


Phunziro 6, November 8, 2025

MDANI PAKATI PATHU








"Ine Yehova
ndimafufuza mtima
ndi kuyesa maganizo,
ndimachitira munthu
aliyense molingana
ndi makhalidwe ake
ndiponso moyenera
ntchito zake."
Yeremiya 17:10 CCL

Atagwiritsa ntchito njira yachilendo yosamveka bwino yomenyera nkhondo, makoma a Yeriko anagwa. Aisraeli analowa mumzindawo ndi kuwuwononga mpaka pansi. Kupambana! Koma kwa ndani? Kwa Mulungu, chifukwa Aisraeli sanachite zambiri pankhondoyo.

Atagwiritsa ntchito njira yowerengedwa bwino yomenyera nkhondo, mzinda wa Ai unapambana. Kugonja! Kwa ndani? Kwa Aisraeli, chifukwa sanadalire Mulungu.

Potsiriza, pamene anafunsa Mulungu, yankho linali lomveka: Aisraeli achimwa, ndipo sangathe kupambana motsutsana ndi adani awo. Kodi angabwezeretse bwanji kukoma mtima kwa Mulungu?



-  **Chifukwa cha kugonjetsedwa (Yoswa 7:1-5, 10-13)**
-  **Wothedwa nzeru ndi wosautsika (Yoswa 7:6-9)**
-  **Kumzindikira wopwanya lamulo (Yoswa 7:14-19)**
-  **Tchimo la Akani (Yoswa 7:20-26)**
-  **Apambananso (Yoswa 8:1-29)**

CHIFUKWA CHA KUGONJETSEDWA

"Aisraeli achimwa. Iwo aphwanya pangano limene ndinawalamula kuti asunge. Anatengako zinthu zina zofunika kuwonongedwa. Choncho anabako, ananena bodza ndi kuyika zinthu zakubazo pamodzi ndi katundu wawo." (Yoswa 7:11)

Atalandira lipoti labwino kuchokera kwa azondi omwe anatumizidwa ku Yeriko, Yoswa anafunsira nzeru kwa Mulungu ndipo atalandira kuchokera njira yomenyera kuti atenge mzindawo.



Yoswa akanachita chimodzimodzi atalandira lipoti lochokera kwa azondi omwe anatumizidwa ku Ai, imfa za anthu 36 zikanapewedwa (Yoswa 7:1-5).

Koma kodi chifukwa chenicheni cha kulephera kunali chiyani? Kapena n'chifukwa chiyani Mulungu akanauza Yoswa kuti asalimbane ndi Ai (Yoswa 7:11).




Mulungu anaona kuti "Aisraeli achimwa." Palibe paliponse m'Baibulo pamene tchimo limafotokozedwa mwatsatanetsatane motere : "aswa pangano... alanda ... aba ... anama ... ndi kusakaniza zinthu zolemekezeka ndi zawo".

Onani kuti akugwiritsa ntchito mawu oyimirira unyinj. Tchimo linachitidwa ndi munthu mmodzi, koma Mulungu anaimba mlandu anthu onse. Iwo anali ataswa pangano; uchimo unayenera kuzulidwa kuti ubwenzi wawo ndi Mulungu ubwezeretsedwe.



WOTHEDWA NZERU NDI WOSAUTSIKA

" Ndipo Yoswa anati, "Kalanga ine, Ambuye Wamphamvuzonse chifukwa chiyani munatiwolotsa Yorodani? Kodi mumalinga zotipereka m'manja mwa Aamori kuti atiwononge chotere? Kukanakhala kwabwino ife tikanakhala tsidya linalo la Yorodani! ' " (Yoswa 7:7)



Yoswa pamodzi ndi akuluakulu anavutitsidwa kwambiri ndi kugonjetsedwa ku Ai, ndipo anasonyeza momveka bwino zizindikiro za chisoni (Yoswa 7:6).

Kenako Yoswa anayamba kulankhula mwaukali, mofanana ndi mmene Aisraeli ankachitira mobwerezabwereza kwa zaka 40 zoyendayenda muchipululu kwawo: 'Ndichifukwa chiyani munatiolotsa...? Kukanakhala bwino tikanakhala komwekuja...? (Yoswa 7:7).


Koma, mzimu wa Yoswa sunali wofanana ndi wa Aisrayeli muchipululu. Kudandaula kwake sanachokere pa kukhumudwa, koma pa mantha oti dzina la Mulungu lingachitidwe manyazi pakati pa amitundu ena (Yoswa 7:8-9).

Iye anaona kuti khalidwe la Mulungu adzaweruzidwa ndi osakhulupirira potengera mmene anthu ake amachitira. Lero ifenso tikupitiriza kukhala umboni wa Mulungu padziko lapansi. Uwu ndi udindo waukulu kwambiri!



KUMUZINDIKIR AWOPHWANYA LAMULO

“Mawa mmamawa adzabwere pamaso pa Yehova fuko limodzilimodzi. Fuko limene Yehova adzaliloze lidzabwere patsogolo mbumba imodziimodzi. Tsono mbumba imene Yehova adzayiloze idzabwere patsogolo banja limodzilimodzi. Banja limene Yehova adzaliloze lidzabwere patsogolo munthu mmodzimmodzi.” (Yoswa 7:14)



Kuti tchimo la anthu onse (mlandu wa mtundu wonse) lichotsedwe, wolakwa ayenera kuchotsedwa pakati pawo (Yoswa 7:15). Kuchotsedwa? Kodi sakanakhululukidwa ngati akanapempha chikhululukiro? Inde, akanakhululukidwa! Koma Akani sanasonyeze chizindikiro chilichonse cha kulapa kochokera pansi pamtima — ngakhale kuti anapatsidwa mwayi wambiri kuti achite zimenezo).

Ntchito yofufuzayo inalengezedwa ndipo inaimitsidwa mpaka tsiku lotsatira (Yoswa 7:14-15).

Akani adakhala chete

Fuko la Yuda linatengedwa (Yoswa 7:16).

Akani adakhala chete

Banja la Zera linatengedwa (Yoswa 7:17a)

Akani adakhala chete


Mtsogoleri Zabdi anatengedwa (Yoswa 7:17b)

Akani adakhala chete

Akani anatengedwa (Yoswa 7:18).

Akani adakhala chete

Posonyeza kukoma mtima ndi chikondi cha Mulungu, Yoswa anapempha Akani kuti aulule tchimo lake (Yoswa 7:19).



Mlandu wa Akani unali utalephera. Anavomereza tchimo lake, koma sanapemphe chikhululukiro (Yoswa 7:20). Komabe Mulungu anachita chisoni chifukwa cha kukoma mtima kwake, komwe kunawonekera nthawi iliyonse imene ankamuitana kuti alape.




TCHIMO LA AKANI

“Ndinaona mwa zinthu zolanda ku nkondo zija, mkanjo wokongola wa ku Babuloni, makilogalamu awiri a siliva ndiponso golide wolemara theka la kilogalamu. Zimenezi ndinazikhumba ndipo ndinazitenga. Ndazibisa m’kati mwa tenti yanga, ndipo siliva ali pansi pake.” (Yoswa 7:21)

Yoswa anapempha Akani kuti apereke ulemmerero kwa Mulungu ndi kuvomereza tchimo lake (Yoswa 7:19). Unali mwayi wake womaliza. Ngati, poulula, adapempha chikhululukiro...Koma sanatero, ndipo palibe chikhululukiro kwa iye (Numeri 15:30-31).

Monga Eva, Akani ‘anaona,’ ‘anafuna,’ ndipo ‘anatenga,’ ndipo tchimo lake linakhudza anthu ambiri (Genesis 3:6). Monga Ananiya ndi Safira, Akani anatenga zinthu zodetsedwa zomwe zinali zopatulira kwa Mulungu, ndipo analipira mtengo wake (Machitidwe 5:1-2).



Zosankha zomwe Akani adapanga ku Yeriko zidatsutsana kwambiri ndi za Rahabu:

Rahabi

Anabisa akazitape aja padenga

Anakomera mtima Israeli

Anakondera chigonjetso chifukwa cha chikhulupiriro

Anachita pangano ndi Israeli

Anapulumutsa moyo wake ndi wa banja lake

Akani

Zokubazo anazibisa pansi

Zinabweretsa mabvuto kwa Israeli


Anagonjetsedwa chifukwa cha ntchito zake

Anaswa pangano la Israeli

Anafa ndi banja lake.

WOGONJETSJA KANSO

"Kenaka Yehova anati kwa Yoswa, "Usachite mantha kapena kutaya mtima. Tenga gulu lonse la nkhondo, ndipo upite ku Ai. Taona, ndapereka mfumu ya Ai pamodzi ndi anthu ake, mzinda wake ndi dziko lake lonse m'manja mwako.' " (Yoswa 8:1)



Monga mmene zinalili ku Yeriko, Mulungu apereka kwa Yoswa njira yomenyera nkhondo kuti agonjetse mzinda wa Ai(Yoswa 8:1-2).

Usiku, abisalira kuseri kwa mzindawo.

M'bandakucha, asilikaliwo anafika ku Ai


ndikuyamba kuchita ngati athawanso pamaso pawo.



Monga momwe Mose anakwezera ndodo yake kufikira atagonjetsa Aamaleki, potsatira lamulo la Mulungu, Yoswa anakwezanso 'lupanga lake' (mwina lupanga lofanana ndi la Aigupto), ndipo anali kuligwira mmwamba mpaka atapeza chigonjetso chathunthu (Yoswa 8:18-22, 26) .

Mulungu anapatsanso anthu ake chipambano. Chigwa cha Akori, kumene Akani ndi banja lake anaphedwa, chinatsegula chitseko cha chigonjetso, "khomo la chiyembekezo" (Hoseya 2:15).

Pamene tivomereza chikhululukiro chaumulungu mwa chikhulupiliro, Mulungu amabisa tchimo lathu ku Akori, ndipo amatsegula chitseko cha chiyembekezo.



Chinthu chimene mpingo uyenera kuopa kwambiri si otsutsa poyera, osakhulupirira, kapena ochita chipongwe, koma anthu amene amadzitcha Akhristu koma osakhala okhulupirika. Anthu oterewa ndi amene amasokoneza dalitso la Mulungu wa Israeli, ndipo amabweretsa kufooka mu mpingo — chitonzo chimene ndikovuta kuchotsa...

Uchikhristu suyenera kungowoneka pa tsiku la Sabata kapena mu malo opembedzera okha; uli wa masiku onse a pamlungu komanso malo alionse. Zofuna zake ziyenera kuzindikiridwa ndi kutsatiridwa kuntchito, panyumba, komanso pa zinthu zamalonda — ndi abale komanso ndi anthu a padziko lonse

EGW (Conflict and Courage, April 23)